

كلمات زفة تخيلت النجوم

تخيلت النجوم حروف.. وصورّت القمر شاعر
وعزّم يكتب الليلة.. قصيدة بالمعاني تجود
وكانت (سارة) أجمل.. من اللي جاده خاطر
يا سبحان اللي صورها.. وميز حسنها المفنون

هذيك اللي لعينيها.. يغني الورد لو تامر
تدلل يا شبيه الضي.. على بحر العيون السود
غلاها ومن غلاها لو.. تأثر للقمر حاضر
يجيها من الفضاء للأرض.. ويهني كفها ويعود

هذيك اللي لها حضور.. رفيع وجوها الأسر
تجيك كأنها النسيم اللي.. من الغربي شذاه ينود
تحب الأرض خطوتها.. وفي مشيتها تتفاخر
يا حي الأرض وممشاها.. على كل هالدلع والعود

ملامحها تفاصيل.. الجمال اللي من الآخر
بعدها وش يضيف المجد.. في بنتٍ ما عليها زود
الى من سولفت عذبة.. وحتى سكوتها ساحر
ويكفي لا طروها.. من معانيها بين العود

كريمة وراقية مثل السحاب.. وقلبها الماطر
حشيمة وأهلها ناسٍ .. صداهم في السنع مشهور

عسى الله يحقق منا هم .. وما يلحقه أي قاصر
وتسعد في حمى (حسام) .. بن طيب نسل والجود

هذاك السمح اللي له .. حضور يشرح الخاطر
ابن الكرم ونسل الطيب .. (حسام) ذا حفيد الجود
قليل اللي الثناء فيهم .. شرف للشعر والشاعر
هذا كل المعاني في صفاته ما تعرف حدود

جعل ربي تحفظهم .. في بيتٍ بالهنا عامر
وتضوي عمرهم خير وفرح .. ستر وغلا وسعود
عدد ما سبحوا بإسمك .. وصلوا عالنبي الطاهر
عدد ودق السحاب وما .. لحق صوت الهزيم رعود